



KENYATAAN AKHBAR

Untuk Siaran Segera  
30 September 2024

## **ASM 3 ISYTIHAR PENGAGIHAN PENDAPATAN BERJUMLAH RM837.89 JUTA**

*Pengagihan pendapatan sebanyak 4.75 sen seunit, memanfaatkan lebih daripada 650,000 pemegang unit*

- Amanah Saham Nasional Berhad (ASNB), syarikat pengurusan unit amanah milik penuh Permodalan Nasional Berhad (PNB), hari ini mengumumkan pengagihan pendapatan untuk dana harga tetapnya, Amanah Saham Malaysia 3 (ASM 3) bagi tahun kewangan berakhir 30 September 2024.
- ASM 3 mengisyiharkan pembayaran pengagihan pendapatan berjumlah RM837.89 juta yang memanfaatkan 650,487 pemegang unit yang kini memiliki 17.64 bilion unit. Sehingga 24 September 2024, dana ini mencatatkan pendapatan bersih terealisasi sebanyak RM820.32 juta.
- Pengagihan pendapatan sebanyak 4.75 sen seunit mengatasi penanda aras pulangan Deposit Tetap 12 Bulan Maybank pada paras 2.69% iaitu sebanyak 206 mata asas bagi tahun kewangan sehingga 24 September 2024.

**Kuala Lumpur, 30 September 2024:** Amanah Saham Nasional Berhad (ASNB), syarikat pengurusan unit amanah milik penuh Permodalan Nasional Berhad (PNB), hari ini mengumumkan pengagihan pendapatan untuk dana harga tetapnya, Amanah Saham Malaysia 3 (ASM 3) bagi tahun kewangan berakhir 30 September 2024.

ASM 3 mengisyiharkan pembayaran pengagihan pendapatan berjumlah RM837.89 juta yang akan memanfaatkan 650,487 pemegang unit yang kini memiliki 17.64 bilion unit. Pengagihan pendapatan sebanyak 4.75 sen seunit mengatasi penanda aras pulangan Deposit Tetap 12 Bulan Maybank pada paras 2.69% sebanyak 206 mata asas bagi tahun kewangan sehingga 24 September 2024.

Pendapatan ASM 3 diperoleh daripada keuntungan yang direalisasikan, dividen, serta sumber pendapatan lain daripada pelaburan domestik dan antarabangsa. Tahun ini ASM 3 telah merekodkan RM820.32 juta pendapatan bersih terealisasi. Dana tersebut

juga telah mengekalkan strategi kepelbagaianya, mengambil manfaat daripada peningkatan keyakinan dalam pasaran ekuiti tempatan dan trend positif dalam pasaran global, yang dipacu oleh kemajuan teknologi.

Pengiraan pengagihan pendapatan untuk ASM 3 adalah berdasarkan purata baki bulanan minimum yang dipegang sepanjang tahun kewangan dana tersebut. Pengagihan yang diisyiharkan oleh ASM 3 akan dilaburkan semula secara automatik sebagai unit tambahan ke dalam akaun pemegang unit pada 1 Oktober 2024.

Urus niaga ASM 3 di semua cawangan dan ejen ASNB, termasuk semua saluran dalam talian dan perbankan internet, telah ditangguhkan buat sementara waktu dari 28 hingga 30 September 2024. Pemegang unit boleh melakukan semula urus niaga di portal myASNB ([www.myasn.com.my](http://www.myasn.com.my)), atau melalui aplikasi mudah alih myASNB, atau di mana-mana cawangan atau ejen ASNB di seluruh negara bermula 1 Oktober 2024.

-Tamat-

#### **Mengenai Permodalan Nasional Berhad (PNB)**

Permodalan Nasional Berhad (PNB) adalah salah sebuah syarikat pengurusan dana terbesar di Malaysia dengan aset di bawah pengurusan (AUM) kini melebihi RM300 bilion. Portfolio PNB merangkumi pelaburan strategik dalam syarikat-syarikat korporat terkemuka Malaysia, ekuiti global, pelaburan persendirian dan hartanah. Selama lebih empat dekad, kami kekal fokus dalam menyumbang kepada kekayaan Bumiputera dan semua rakyat Malaysia dan berdedikasi untuk memenuhi matlamat kami mengukuh kedudukan kewangan rakyat, merentas generasi. Kami komited terhadap kemampanan, amalan bertanggungjawab dan penciptaan masa depan inklusif yang memberi manfaat kepada pihak berkepentingan kami dan komuniti yang disantuni. Untuk maklumat lanjut, sila layari [www.pnb.com.my](http://www.pnb.com.my)

#### **Amanah Saham Nasional Berhad (ASNB)**

Amanah Saham Nasional Berhad (ASNB) adalah syarikat pengurusan unit amanah PNB dengan 32 pejabat cawangan dan lebih 2,600 cawangan ejen seluruh negara yang terdiri daripada Affin Bank, Ambank, Alliance Bank, Bank Islam, Bank Muamalat, Bank Simpanan Nasional, CIMB Bank, Hong Leong Bank, Maybank, RHB Bank dan Pos Malaysia. ASNB kini menguruskan 18 dana unit amanah dengan unit dalam edaran (UIC) kira-kira 280 bilion unit daripada lebih 15 juta akaun. Untuk maklumat lanjut, sila layari [www.asnb.com.my](http://www.asnb.com.my) atau hubungi Pusat Khidmat Pelanggan ASNB di talian 03-7730 8899.

#### **Amanah Saham Malaysia 3 (ASM 3)**

ASM 3 ialah harga tetap yang dilancarkan pada 5 Ogos 2009. Ia adalah dana aset campuran yang sesuai untuk pelabur yang mempunyai jangka masa pelaburan sederhana hingga panjang, memahami hubung kait antara risiko dan pulangan, serta mengharapkan pendapatan tetap (jika ada) untuk pelaburan mereka.

**Issued by Permodalan Nasional Berhad**

**PNB**

# Pengagihan Pendapatan

Tahun Kewangan Berakhir 30 September 2024  
Dana Harga Tetap



Pengagihan  
pendapatan

4.75 sen  
seunit

Jumlah pembayaran  
pengagihan

RM837.89 juta

Jumlah  
pemegang unit

650,487

Prospektus Induk ASNB bertarikh 1 Februari 2020, Prospektus Induk Tambahan Pertama bertarikh 20 Oktober 2021, Prospektus Induk Tambahan Kedua bertarikh 1 April 2023, Prospektus Induk Tambahan Ketiga bertarikh 1 Disember 2023, Prospektus ASN Imbang (Mixed Asset Balanced) 3 Global bertarikh 16 September 2020, Prospektus Tambahan Pertama ASN Imbang (Mixed Asset Balanced) 3 Global bertarikh 20 Oktober 2021, Prospektus Tambahan Kedua ASN Imbang (Mixed Asset Balanced) 3 Global bertarikh 1 April 2023, Prospektus Tambahan Ketiga ASN Imbang (Mixed Asset Balanced) 3 Global bertarikh 1 Disember 2023, Prospektus ASN Equity Global bertarikh 1 September 2021, Prospektus Tambahan Pertama ASN Equity Global bertarikh 1 April 2023, Prospektus Tambahan Kedua ASN Equity Global bertarikh 1 Disember 2023, Prospektus ASN Sukuk bertarikh 25 November 2022 dan Prospektus Tambahan Pertama ASN Sukuk bertarikh 1 April 2023 ("Prospektus"), telah didaftarkan dengan Suruhanjaya Sekuriti Malaysia ("SC"). Sila baca dan fahami kandungan Prospektus tersebut bersama Halaman Serahan Produk yang terdapat di laman sesawang ([www.asnb.com.my](http://www.asnb.com.my)) cawangan dan ejen ASNB. Unit akan diterbitkan setelah penerimaan borang pendaftaran yang merujuk dan mengiringi Prospektus tersebut. Sebelum melabur, sila pertimbangkan risiko pelaburan serta yuran dan caj yang dikenakan. Harga unit dan pengagihan pendapatan, jika ada, mungkin turun dan/atau naik. Prestasi tabung masa lalu bukan jaminan prestasi masa hadapan.